

Cumegn da Surses



Urden da scola

Cuntign

	pagina
I. Determinaziuns generalas	3
Art. 1 - scalems da scola	3
Art. 2 - obligaziun da scola, li da scola, frequentaziun gratuita	3
Art. 2a- lungatg da scola, promoziun da lungatg avant da scumanzar la scoligna	3
Art. 3 - ouras da bloc	3
Art. 4 - structuradas digl de	3
Art. 5 - purscheidas supplementaras	3
Art. 6 - maseiras dalla pedagogia speziala agl sectour simpel	3
Art. 7 - giudicat, promoziun e midada da scalem	4
II. Persungas d'instrucziun	4
Art. 8 - relaziun d'angaschamaint	4
III. Direcziun da scola	4
Art. 9 - direcziun da scola	4
IV. Cunsegl da scola	4
Art. 10 - organisaziun	4
Art. 11 - cumpetenzas da decider	4
Art. 12 - obligaziuns e cumpetenzas	4
Art. 13 - presidi	5
V. Tgira da dretg	5
Art. 14 - veia da dretg	5
VI. Determinaziun finala	6
Art. 15 - antrada an vigour	6

Relaschea dalla radunanza communal sa basond agl art. 20 dalla lescha per las scolas popularas digl cantun Grischun (lescha da scola) digls 21 da mars 2012.

Denominaziuns da persungas, funcziuns e professiuns ainten chella disposiziun giuridica sa refereschan a tot las schlattagnas, schinavant tgi sa resulta navot oter digl senn dalla disposiziun.

I. Determinaziuns generalas

Art. 1

Scalems da scola

Igl cumegn da Surses magna igls suandonts scalems da scola:

- a) scalem scoligna
- b) scalem primar
- c) scalem secundar I

Art. 2

Obligaziun dad eir a scola, li da scola, frequentaziun gratuita

L'obligaziun dad eir a scola, igl li da scola scu er la frequentaziun gratuita sa drezzan tenor dretg cantunal.

Art. 2a

Lungatg da scola, promoziun da lungatg avant da scumanzar la scoligna

¹ Igl lungatg da scola è rumantsch surmiran.

² Dispona en unfant ainten la vigliadetna prescolara an vista all'antrada an scoligna betg da cunaschientschas suffiziaintas da rumantsch, pon igls responsabels per l'educaziun far adiever dalla purscheida da lungatg per lour unfants.

³ Igl cumegn da Surses surpeglia igls costs per la promoziun da lungatg igl onn avant da scumanzar la scoligna.

Art. 3

Ouras da bloc

Igl cumegn da Surses garantescha segl scalem da scoligna e scalem primar igls taimps da bloc prescretgs digl cantun.

Art. 4

Structuras digl de

Igl cumegn da Surses porscha an cass da basigns structuras digl de pi vastas.

Art. 5

Purscheidas supplementaras

Igl cumegn da Surses pò tenor basigns stgaffeir purscheidas supplementaras scu lavour sociala da scola.

Art. 6

Maseiras dalla pedagogia speziala agl sectour simpel

Per l'ordinaziun e la realisaziun da maseiras dalla pedagogia speziala agl sectour simpel è'l responsabel igl cumegn da Surses.

Art. 7
Giudicat, promoziun e midada Igl giudicat scu er la promoziun e la midada da scalem digls scolars sa drezzan tenor dretg cantunal.

II. Persungas d'instrucziun

Art. 8
Relaziun d'angaschamaint
¹ Las persungas d'instrucziun èn amplueidas digl cumegn da Surses.
² La relaziun d'angaschamaint dallas persungas d'instrucziun vign fundada antras en contract da labour digl dretg public an consideraziun digl urden da persunal digl cumegn da Surses. Resalvadas èn las determinaziuns dalla lescha cantunala da scola.

III. Direcziun da scola

Art. 9
Direcziun da scola
Igl cumegn da Surses instituescha ena direcziun da scola. Chella è responsabla per la direcziun operativa digl travagl da scola.

IV. Cunsegl da scola

Art. 10
Organisaziun
¹ Igl cunsegl da scola sa cumpona da tschintg commembers. Ad el stat avant igl president digl cunsegl da scola. Pinavant sa consti-
tuescha el sez.
² Igl cunsegl da scola vign convocò schi savens scu tgi igls affars pretendan u schi egn digls commembers digl cunsegl da scola pre-
tenda.
³ Allas sedutas digl cunsegl da scola pon neir anvidadas tenor ba-
signs persungas ulteriouras cun vusch consultativa.
⁴ Davart las tractativas ò da neir mano en protocol.

Art. 11
Cumpetenzza da decider
Igl cunsegl da scola è cumpetent da decider schi ple tgi la mesadad digls commembers è preschainta.

Art. 12
Obligaziuns e cumpetenzas
¹ Igl cunsegl da scola magna e survigilescha la scola ed exequescha la legislaziun da scola cantunala e communal. El ademplescha tot igls pensums digls fatgs da scola, igls quals n'èn betg incumbensos ad en oter uffezi u ad en'otra istanza antras en decret cantunal u communal.

² El ò l'incumbensa an spezial da:

1. decider davart l'anticipaziun resp. la remessa dall'antrada an scoligna u an scola primara;
2. decider dad ena cuntinuaziun digl onn da scola ainten ena classa pi bassa tar surpretensiun d'en unfant;
3. decider pertutgont igl sursagleir ena classa;
4. decider da purscheidas ulteriouras per unfants da lungatg ester;
5. decider davart l'ordinaziun u l'aboliziun da maseiras pedagogicas spezialas agl sectour simpel;
6. decider d'excluder en unfant durant igl taimp da scola obligatoric;
7. decider da relascher anticipadamaintg en unfant igl pi bod siva otg onns da scola obligatorics;
8. decider da lascher frequentar ulteriours onns da scola siva dad aveir ademplia igl taimp da scola obligatoric;
9. decider d'excluder dalla scola durant la frequentaziun da scola postobligatoria;
10. decider da recepeir en unfant d'en'otra scola scu er dalla taxa da scola;
11. fixar las vacanzas - cun excepziun dallas vacanzas d'aton e dalle vacanzas da Nadal - an cunvagnientscha e coordinaziun cun igls cunsegl da scola dalla regiun scu er declaranza obligatorica dad usits da scola particulars durant sivamezdes libers u sondas;
12. relascher en reglamaint concernent absenzas e congedis;
13. relascher en urden da disciplina;
14. pladeir e relascher las persungas d'instrucziun e la direcziun da scola scu er ulteriouras persungas tgi èn necessarias pigl travagl da scola;
15. relascher en carnet da dueirs per la direcziun da scola;
16. relascher en reglamaint da furmaziun e da congedi da scolaziun per persungas d'instrucziun e per la direcziun da scola;
17. puneir surpassamaints ancunter igl art. 68 dalla lescha da scola cantunala;
18. eliger la media u igl medi da scola e la daintista u igl daintist da scola.

Art. 13

Presidi

¹ Igl president digl cunsegl da scola represchainta igl cunsegl da scola vers anor, prepara igls affars digl cunsegl da scola e procura per l'execuziun dallas decisiuns pigleidas.

² An cass urgents, tgi schean aint igl camp da cumpetenzas digl cunsegl da scola, peglia el las maseiras necessarias. Schinavant scu pussebel decida igl cunsegl da scola definitivamaintg ainten la sia proxima seduta.

V. Tgira da dretg

Art. 14

Veia da dretg

¹ Ancunter disposiziuns e decisiuns dallas persungas d'instrucziun, dalla direcziun da scola, dalla presidenta resp. digl president da scola pertutgont fatgs da scola so neir recurria an terma da 10 deis tar igl cunsegl da scola.

² Ancunter disposiziuns e decisiuns digl cunsegl da scola pertutgont fatgs da scola so neir recurria an terma da 10 deis tar igl departamaint d'educaziun, cultura e protecziun digl ambiaint schinavant tgi la lescha da scola cantunala fixescha navot oter.

³ Ancunter decisiuns d'assegnaziun negativas e disposiziuns pertutgont nunpromozium respectivamaintg promoziun so neir recurria an terma da 10 deis tar igl uffezi da scola populara e sport. Igl uffezi so preveir ena procedura speziala tar igl giudicat da recurs.

VI. Determinaziun finala

Art. 15

Antrada an vigour


Chest urden da scola vo an vigour siva dall'acceptanza dalla radunanza communal e l'approvaziun digl departamaint d'educaziun, cultura e protecziun digl ambiaint retroactivamaintg sen igl 1. da schaner 2016. El ramplazza igl urden da scola vertent digl consorzi da scola Surses digls 10 da december 2014.

Approvo dalla radunanza communal digls 11 d'avregl 2016.

La revisiun parziala è neida approvada dalla radunanza communal digls 5 d'otgover 2020. La revisiun parziala aintra an vigour siva l'approvaziun digl departamaint d'educaziun, cultura e protecziun digl ambiaint digl cantun Grischun sen igl 1. d'avost 2021.

Per la suprastanza communal Surses

Igl mastral:



.....
Leo Thomann

Igl scrivant communal:



.....
Beat Jenal

Tabella da modificaziuns – tenor conclus

Conclus	Antrada an vigour	Elemaint	Modificaziun
11-04-2016	01-01-2016	relasch	amprema versiun
05-10-2020	01-08-2021	art. 2a	integro
05-10-2020	01-08-2021	art. 9	cumpletto
05-10-2020	01-08-2021	art. 12, al. 2, cefra 14	cumpletto

Approvà dal departament d'educaziun, cultura e protecziun da l'ambient tenor
disposiziun dal departament dats 16 december 2020

Il schef:

